

日本野史

和書門	一五九〇	函	架	冊
類	〇	〇	〇	〇

和書	一五九〇	冊	架
類	〇	〇	〇

内閣文庫	
番號	和 15190
冊數	200 (164)
函號	139 3

新獻
四




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







野史卷二百三十六



臣列傳第一百四十四

成瀨正成 弟吉正 正武

成瀨正成參河人也姓藤原氏其先京師播紳家流
落移居參河成瀨鄉成瀨家譜曾祖國重仕安撫君信忠
戰死于安祥祖正賴仕善德君清康及大樹公廣忠
漂蕩他邦或往駿府議迎入廣忠於岡崎為弓隊長
長子正義字藤藏仕 東照官為使番永祿五年與

町田久成獻納之章

源忠彥 修
淺草文庫

同僚士諄諭斬之奔遠江六年一向亂起馳赴土呂
携妻孥適岡崎 官嘉其志省舊科迨次年春勵戰
數回及亂平加賜采邑是歲與甲兵戰于吉田甲前
鋒有金切裂背標善戰者正義顧衆曰我能獲彼背
標乃馳驅力戰獲首而還八年甲兵侵掠山家三方
地先是正義新製戎衣莊飾超衆誇曰我死不汚此
戎衣皆晒其牧畜是時與敵隔田疇接矢正義歷本
路而進 官遣卒三人召還二卒中銳斃正義不顧
而前獲冑首而歸家譜元龜三年味方原之戰前宵正
義與鳥居忠廣互誇勇將及鬪爭傍人制止廣忠盟

下廣忠廣誤

曰今日之事私也明日之戰以死報國恩不可受醜
名矣正義應諾明日戰已酣二人俱獲首級則相搜
索互視之共爭雌雄迄麾下殆急正義謂弟正一曰
汝能語地理為君鄉導而入城我駐死之言畢犯敵
陣斫數人終戰死時歲三十八家譜大志忠廣獲首索
正義而不見問步卒對曰已戰死忠廣曰嗚呼勇士
矣哉不食言我亦報之進與土屋冒次戰死大志弟
正一稱字吉左衛門歲二十三去國而往甲州隸室
住虎定隊下次年九月川中嶋之戰虎定戰死敵截
而去正一追斬其敵取其首及虎定首歸家譜甲志武

田信玄召予黑駒地是歲 德川氏下令禁參人之
他邦者親族招正一正一慮甲人之遜赴山東會里
見北條戰于鶴臺正一屬依田肥前守建首功北條
氏康欲授采地辭而歸國元龜三年信玄寇遠州次
袋井本多忠勝與甲兵戰于一言坂 東照官遣正
一召忠勝還路程一里之間與甲兵混交突敵數回
終收兵是冬味方原役甲兵七騎狙擊 官正一前
斬其先進者傷其馬敵赴救得隙從 官入濱松城
是役兄正義死正一賜家督而後正一善認甲人旗
標每在麾下指視之天正八年檢高天神地築寨六

處 官召正一曰汝為留戍日夜誣廻以戒守者怠
慢正一拜命且請副 官曰宜擢其人正一薦日下
部宗好遠城陷弗解壬午春武田氏滅正一怜武川
士往訪之鄉黨無人題其門曰且未市川訪正一也
是夜武川隊長米倉忠繼等未訪正一請令謁見命
收其任子當是時北條氏亦遣行人募武川士 官
命斬二人悉收任子七月 官入新府北條氏直亦
入信濃 官偏將七人陣于乙骨與相兵抗衡六里
之間武川士屬後拒而對抗者二旬正一捕間謀二
人磔殺也尋領根來健步百人與平岩親吉定甲州

復下既獲

制法十八年北條氏亡正一為先鋒入鉢形城定置
北武藏制令賜采邑二千石為七萬石代官庚子亂
竊台德公為旗奉行軍平而後守伏見城元和六
年卒歲八十三家譜正成初字小吉自幼仕東照官
天正十二年長湫之戰歲甫十七獲冑首以聞官
曰勇矣哉戲下寡單守備焉是時池田勝入觀中營
直進先隊當之旗旌蕩搖正成將驅戰圍人執轡不
放正成奮怒鞭旬與官相距二十間許遠覽曰我
師履浮壯者之死期也真任其意於是縱騎正成直
衝敵軍獲冑首家譜六月官在清須城聞前

田種利叛策馬而馳從騎六人正成其一員也瀧川
一益欲入蟹江城師遠走入城者七百逃者二千進
圍其城數日遂陷之又從往伊勢守濱田白子等城
家譜是冬官命附報未五十人為之隊長曰正成長
湫之武勇不愧宿將老兵也家譜正成從往大坂關
白秀吉登千貫樓望東照官從騎有馭黑驃紅具
裝者問左右知為正成而問其祿答曰二千石曰可
惜武夫若未仕予當畀五萬石他日請正成於官
官應諾命之正成對曰君何為慘臣意反之嘗
拋身奉仕欲致死耳無他若弗聽則請速賜死濺淚

數行 官曰汝隸關白則可得五萬石實汝幸福予
亦有憑矣慰諭再三猶不從唯請死耳於是 官以
寶告秀吉曰渠勢不可奪故試焉耳 德川氏能養
士請善視之 官說之於 白德公令正成隸 公
遺老物語御 庚子亂率報來隊百人為麾下前鋒其
後為界浦政所奉行政治明整士人懷服不數年召
還叙從五位下稱隼人正賜甲斐田數縣與本多正
純安藤重長預聞機務敬公子義直幼而岐嶷 東
照宮鍾愛日渥及封尾張擇正成為之傳九月之國
定制法而還駿府定省左右掌機務及大久保忠鄰

遭讒流竄上告狀曰臣祖先累世奉事先君身雖閭
劣以無貳為家訓方今誇恩惠負猜忌陷膚受之怨
縱雖沈斧鉞之刑願辨冤証狀到駿府雖親戚故舊
懼觸赫怒莫敢言之者正成憫其志執以申 官亦
無愠色而察忠鄰無貳衆亦美正成輔友之志家譜大
坂冬軍起從麾下節制諸部夏軍起正成總督諸部
令子正虎相義直迨諸部薄城尾師未進 官焦氣
馳使謂曰隼人勝脫漢讀曰詩之何以不到應疾馳
使者馳到尾營頭違命正成應聲曰 太公之命矣
乎其 太公亦遇甲斐信玄腰脫也乃抵中營拜謝

官曰凡武事苟有缺則不可抽氣也御選大坂元

二年義直就國正成賜犬山城尾張食邑四萬五千石

以平岩親吉遺士悉附正成為與力正成寬永二年

正月卒歲五十九法名直指宗心號白林寺義直為

叙一字號白林寺資冥福家譜正成初仕東照宮于

參州三省錄命作人修葺屋棟遠傳命而不違使正

成登棟以傳命正成不禪宮笑賜齒深禪時十七

歲擢為士隊長石鹿隨筆大猷公初立召正成或

正及水野重良中山信敬曰三家若有異貳則汝曹

竭力諫爭猶弗聽具狀以可懇重良信敬拜命特正

成對曰諫止數回猶弗聽則臣請為先驅而必獲其

元者非他惟臣矣而已名臣言行錄子正虎之成正虎繼

父叙從五位下稱隼人正子孫相傳為尾張附庸之

成字籙裁仕台德公頒父食邑一萬五千石從大

坂冬夏之殺獲首二級叙從五位下稱伊豆守後加

賜一千石而卒子之虎嗣未久死無嗣家絕家譜

○今按舊章錄寬永九年十月二十八日伊豆守

之成卒無子除其邑一萬石云○成瀨家譜云藤

藏之虎以寬永十五年十二月二日病死據考則

舊章錄似謬

吉正正武並正成第也吉正初字勝吉仕 東照宮
于伏見與同僚士諍論斬其人逃走仕小早川秀秋
又隸前田利常大坂冬役利常遣吉正于住吉行營
咨軍事本多正純安藤直以次告 宮問使者為誰對
以吉正 宮曰他日問軍事則必可以斯者也命
賜食十二月四日加賀師攻真田郭吉正執赤熊旄
指揮士卒城上敵呼曰赤熊舉動揭焉願致一箭吉
正進騎於壘際敵兵發銃射吉正左脰墜騎而不死
夏役與大野治房兵接槍終馘之稱內藏助食邑一
萬二千石 家譜

下平脫月

正武叙爵稱豐後守寬永三年正與小山長門守同
賜死於吉祥寺 斷家譜寬長門美姿寵傾內外正武
私通之 大猷公竊誨誠二人猶不改如故復諭長
門猶不從故遂及于此云 寬明
○武家補任云正武慶長中叙爵元和元年有罪
幽安藤重信寬永三年賜死有二子因外戚臣事
伊東氏

野史卷二百三十六終

野史卷二百三十七

源忠彥 修

武臣列傳第一百四十五

安藤直次

安藤直次參河人也姓源氏鎮守府將軍賴信玄孫

安藤長基之後安藤家譜
藩翰譜

○野史氏今按藩翰譜一說並一本安藤家譜云

安藤本安陪其先仲麻呂七世泰平補鎮守府將
軍其子朝任為鳥羽天皇武者所捕僧文覺賞

賜藤原氏稱安藤太郎左衛門子孫相傳稱安藤
朝任十一世之孫家重也云

祖父家重稱太郎左衛門仕大樹公廣忠天文九年

六月戰死于安祥一本安藤家譜父基能稱木工助仕東

照官為旗奉行元龜三年冬戰死于味方原家譜有

有二男子直次重信直次初字千福改彦四郎又稱

彦兵衛白切仕官歲甫十七從姊川之戰江兵數

十騎狙擊鐵田信長中軍直次與大久保忠鄰馳擊

之獲首級天正二年五月遠州犬居小家土寇蜂起

從官于勝坂而屯隨雲當是時洪水漲流漸艱路

直次等供裹糶於官又從長篠高明獲首級四年

犬居之戰受命為使番鳥居元忠隊下安藤定正受

敵於二面防戰殆危直次命銃卒縱炮擊破其一面

謀長湫之戰先鋒為敵所破部伍騷擾池田勝入等

回顧未挑戰直次受命發銃東師踉蹌擊破敵隊直

次等奮馳追擊與黑髯士數人遇力戰遂走之會井

伊直政與敵相抗直次謂直政曰凡督師者振於治

兵豫可備不虞何強貪己功哉汝盍思焉直政唯諾

是時直次過右邊岸願望森長一傷在側謂人曰獲

創者不足為功也乃進刺勝入永井直勝獲其首勝

數下脫十

入子之助把白熊旄憤勵死戰直次邀刺馘之又刺
敵獲其首直次捨打奪敵刀與同僚士交易捨獲進
獲首級會日晚歸小幡行營 東照宮嘉焉 小牧
長久手合戰 十九年五月賜采邑一千石關原之戰
事記同或訖 為使番慶長十年正月加賜武藏近江田二千三十
石尋叙從五位下稱帶刀長又賜一萬石 家譜一與
本多正純成瀨正成預聞政務十五年封南籠公子
賴宣于駿遠二州擇附東參膏腴之地直次受命為
之傳 家譜藩 迨大須賀忠政卒其子幼稚直次扶之
橫須賀士悉附屬賴宣直次為之隊長大坂冬役從

大須賀橫須賀
大橫二字恐是
一非

師屢議軍旅之事或制定陣舍迨行成回軍 家譜 夏兵
起直次為點視第一 東照宮嘉禰 直次答曰臣非
殊鍊武當去年有密議臣小疾病卧茶室會君入室
不能出故得聞密計竊設武備以賜今日之賞詞請
佗日若有密計則四面拂戶障無匿地而且討議
宮倍悅直次誠實 明良 直次受命節制如有懈者指
點部伍繕甲兵五月七日井伊直政及藤堂高虎與
城兵戰于天王寺良方敗走直次點檢諸部奮勵先
鋒馳驅家人未告曰郎君陣歿直次曰男兒要當死
於邊野奚足愕乎猶厲先隊與逐敵到子重能死處

家人問重能死可奈何曰令狗咬與軍終歎惜悲哭
家譜洪範元和三年賜掛川城江遠加一萬石五年徙
封賜田邊城伊紀併食邑三萬石附屬與力采邑總領
五萬五千石家譜一本家譜或寬永十二年五月卒
歲八十二法名崇賢號藤岩院賴宣為造立崇賢寺
於和歌山追慕祭祀云家譜速社稷定草莽之臣賜封
邑各列侯特直次不及采橫須賀五千石而已東
照宮意謂萬石也歷十餘年而後直次與成瀨正成
侍側官問曰汝輩今食封萬石如制法何正成答
曰臣等已然直次獨不及官愕然曰予嘗謂橫須

賀地萬石也直次與正成勵勉無異累功封邑奚以
分之為然直次色不漏言不發不怨不愠以迄今日
予酷愧彼篤厚之志於是命筭積十餘年間五千石
穀量賜焉碎玉初尾紀水三公子願封國擇傳臣附
屬焉各受命載盟書直次獨不載因正成等前盟強
之辭曰盟文不言乎若有異謀則以聞焉正成等意
臣未識夫昆弟同胞之間非可有異圖假有疑則宜
賜死耳方今封建新定臣輩為之傳設令懷異謀者
是狂悖狂悖而謀逆者臣請先為狂悖矣乃罷異說
直次及正成中山信吉侍坐東照宮先謂公子義

直屈指數正成之功勞才智次石威公子賴房稱信
吉及村瀨龍馬助未由以附之而謂賴宣日以帶刀
屬卿渠莫有一事可稱度量勇武並無闕如也武邊
書直次好鷹在東府鷹匠蓄鷹於制禁之地鳥見以
告老中老中誠直次不屈再諭曰犯律之罪巨宥猶
弗聽老中商議遣人擬使者未謂曰犯法者以違聞
不可不問焉直次對曰不問而已明如今加刑於此
者我武廢矣我好鷹莫履天下衆或謂我命彼放鷹
及窮迫處彼於罪我所不為也若有違律令則請我
自殺耳嘗太公擇衆以為紀藩傳今臨危難屈撓

則疾太公明鑒也其後並賴宣就國直次從拜幕
府恩賜依舊且賚鷹命赦縱鷹於品川以西之地蓋
因前事之意矣濫家子錄直次遠慮後事紀伊直臣
有摸邦君袖判偽多借金銀者事發覺使直次誅之
直次受命日久幽之一室未果人或謂之府廳亦疑
直次於是直次謂老中曰渠犯大罪嘗不容誅而舊
惡未可量知故欲緩誅以備他日明証請莫疑邦君
袖判則速加刑矣乃盟而誅焉直次沒世而後九橋
忠彌等結黨之變起兇徒贗作紀伊袖判以招黨府
廳檢覈袖判決擬作以明冤鶴頭直次與侄重長本按

書作弟右京亮今考直次弟重信嘗不會飲親交甚
疎一日直次登營遣人謂重長曰今宵我欲赴子第
請享重長大悅急設饗饌款雜移晷而還席上遺佩
刀重長遽驚馳人追送之直次在肩輿徐把佩刀視
之曰苟為士人者奚為遺我佩刀乃馳駕而歸其人
反命重長攬涕曰是必致仕之意矣果是月還邑乞
老云遺老物語子重能直治重能字彥四郎仕台
德公賜采邑一千石恒謂人曰夫士者非潔死者無
美稱迄年稍老謂有場數戰功猶多徒以不死難謂
勇者也大坂夏役發伏見語人曰有一番首則我又

第一戰死者我也五月七日隸井伊直孝勸菴原助
右衛門曰請戰不從曰我且馳戰直孝柳留不從遂
侵敵陣戰死山鹿語類徑直政賜采邑俟重能後直治初
字長二郎叙從五位下稱飛驒守繼父屬紀伊或年
成瀨正虎今推考不名乞求紀州鍛刀於直治直治乃
令鍛二柄且試一柄而以贈之正虎命試又銳明年
俱會京師正虎謂曰可惜燒刃不利請更賜一柄直
治恠曰我嘗令試皆良也雖然不利則復命之正虎
戲曰嘗聞鍛刀能斫骨我令試之不然意紀而良尾
而不利尾人骨硬矣乎直治嗤曰否非骨之硬腕之

歎矣如紀人把鉛刀能截人手錄兩子義門嗣叙爵
稱帶刀長子孫相傳世為紀伊附庸

重信初字彥十郎改稱五左衛門又藩翰譜門從長湫

之戰獲首級而仕台德公慶長九年叙從五位下

稱對馬守家譜國史實錄十五年賜上野吉井田五千石十

六年補奉行職十七年加賜下總小見川田一萬石

家譜藩翰譜大坂冬役從台德公而發東照宮陣于

永原馳使番行軍重信受命駐督諸部而殿夏兵起

從後拒遣子重長率兵會戰及城殆危右府秀賴及

太虞君毘叔倉井伊直孝赴監之重信為檢察使城

屋灰燼而重信留大坂二旬餘而入京師是歲八月

加賜鹿嶋結城山上等田二萬石藩翰譜作慶長十八年今據安藤家

譜元和五年十月累加上野田二萬石遷封高崎城

上野併食邑五萬六千石家譜藩翰七年六月卒歲六十

五家譜武家補任法名大譽良善號栖岸院家譜號考重信在

職之日天皇行幸二條城命造鳳輦及擯榔毛綯

代等車車工賃償甚貴有司昏議一車當一萬金何

為其然昔時公卿百司何得費多償哉乃命他工造

車價極易以聞之重信重信曰我嘗聞往歲門院入

內御車一萬金而成大八葉車以下准之昔日播紳

所用蓋今時我輩肩輿亦不異矣何必用高價而亦
各有攬耳雖價卑不可信用也先試令造一車如
能協律則咸命之乃命造一車極竭萃驪而成試牽
之音律不協重信遂命前車工造焉野錄武燭談無子養
本多氏子三人為子重長重元重矩重元重矩殊賜
食邑並仕幕府重長初字勝藏從大坂之役獲首級
叙從五位下稱伊勢守後改右京進賜上野板鼻田
二千石而繼重信後寬永九年十月峰巖公子忠長
左遷高崎重長護衛焉明年六月加賜上野惣社一
萬石九月阿部重次承密旨未高崎竊說重長勸忠

長自盡重長不從而請 大樹印章重次感服還東
府再戴印章未十一月忠長終自盡而後重長為姿
者番華寺社奉行明曆三年卒歲五十八家譜藩孫
重博嗣移邑于松山城備中而卒子信友嗣更姓氏為
藤原氏移封加納城美濃先是叙爵稱對馬守歷署職
為老中進從四位下任侍從一寺家譜續藩翰譜信友篤實忠
貞為 惇信公傳 公在西城翫弄千里鏡自樓上
觀郭外意酷娛焉信友聞之遽登樓 公使信友觀
望焉信友眺望畢徐謂曰遠邇具入眼睫郭下徃來
人馬服色猶指掌雖為翫物每日上樓觀望之則府

下士疾人畏縮末往殆飽矣請恒勿弄玩焉而謂左
右曰設令君雖欲覽之盍撤焉白服而退公意愠
以聞有德公曰彼以有其器幹予命為之傳源嘉
其志享錄明君孫信尹嗣叙爵稱對馬守寶曆五年
二月坐放逸無度家事不正削食邑一萬五千石殊
賜五萬石於子信成一本家譜派其後遷邑于磐城
平城陸叙從五位下稱對馬守歷崇者番兼寺社奉
行若年寄列老中進從四位下任侍從而卒子信馨
嗣子孫相傳世族

